

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA MAGLAJ  
OPĆINSKI NAČELNIK

29 0V Maglaj

FEDERACIJA BOSNE I HERCEGOVINE  
OPĆINA MAGLAJ  
Služba za boračko-invalidsku i socijalnu zaštitu,  
opću upravu i društvenu djelatnost

PRIMLJENO	24-08-2023.		
Org. jedinica	Klasif. oznaka	Klasif. broj	Broj prijave
		6377	

## INFORMACIJA

### o stanju u oblasti poljoprivrede na području općine Maglaj

IZRADILA:  
Služba za privredu, finansije/financije  
i razvoj poduzetništva

Maglaj, august 2023. godine

1. The first part of the document discusses the importance of maintaining accurate records of all transactions and activities. It emphasizes that this is crucial for ensuring transparency and accountability in the organization's operations.

2. The second part of the document outlines the various methods and tools used to collect and analyze data. It highlights the need for consistent and reliable data collection processes to support informed decision-making.

3. The third part of the document focuses on the role of technology in modern data management. It discusses how advanced software solutions can streamline data collection, storage, and analysis, leading to more efficient and effective operations.

4. The fourth part of the document addresses the challenges associated with data security and privacy. It provides guidance on implementing robust security measures to protect sensitive information and ensure compliance with relevant regulations.

5. The fifth part of the document concludes by summarizing the key findings and recommendations. It stresses the importance of ongoing monitoring and evaluation to ensure that data management practices remain effective and up-to-date.

## INFORMACIJA

o stanju u oblasti poljoprivrede na području općine Maglaj

Kada je u pitanju poljoprivreda na području općine Maglaj, u skladu sa usvojenim Programom podrške poljoprivrednoj proizvodnji na području općine Maglaj u 2023. godini, najviše se pažnje posvećuje:

- proizvodnji sirovog kravljeg mlijeka,
- plasteničkoj i stakleničkoj proizvodnji povrća,
- proizvodnji krastavaca kornišona,
- proizvodnji kukuruza (silaznog i merkantilnog),
- proizvodnji aronije i borovnice,
- proizvodnji bundeve za koštice,
- uzgoju rasplodne stoke - ovce (potomstvo - jagnjad),
- proizvodnji konzumnih jaja,
- pčelarstvu (proizvodnja meda),
- proizvodnji jagodičastog voća,
- proizvodnji gljiva šampinjona i bukovača, i
- sufinansiranju projekata – programa iz oblasti poljoprivrede, edukativna putovanja i organizirani posjeti sajmovima.

Od ove godine, kroz Program podrške poljoprivrednoj proizvodnji na području općine Maglaj, predviđena je i podrška za nabavku plastenika i podrška za nabavku mehanizacije i priključaka za poljoprivredu.

U analizi prijava poljoprivrednih proizvodnji na području općine, uočeno je da proizvodnja povrća na otvorenom stagnira, dok je stočarska proizvodnja u fazi ukрупnjavanja odnosno razvijaju se pojedinačne farme registrovane kao obrti, u proizvodnji sirovog kravljeg mlijeka.

Također, bitno je napomenuti da u navedenom periodu općina Maglaj bilježi rast broja poljoprivrednih obrta i registrovanih poljoprivrednih gazdinstava.

U radu referata za poljoprivredu u periodu od 01.01. do 15.08.2023. godine, ukupno je zaprimljeno 64 predmeta koji se odnose na predmete iz nadležnosti Službe, 33 predmeta se odnose na upis u:

- Registar poljoprivrednih gazdinstava (RPG),
- Registar klijenata (RK),
- Registar pčelara,

isti su kompletirani i unešeni u softversku aplikaciju koja je postavljena od strane Federalnog ministarstva za poljoprivredu, vodoprivredu i šumarstvo i koji kontrolišu i prate unos podataka.

Rješenja za odobrenje smještaja pokretnih pčelinjaka sa područja drugih općina na područje općine Maglaj, izrada vodnih akata, slanje redovnih izvještaja za Federalni zavod za statistiku te ostali akti i dopisi koji su vezani za oblast poljoprivrede i vodoprivrede.

Broj predmeta koji se posebno zavode na Protokolu Općine kroz knjigu osobne pošte je 493 i odnose se na redovito ažuriranje podataka u Registru poljoprivrednih gazdinstava (RPG) i Registru pčelara, zahtjevi za poticaj u primarnoj poljoprivrednoj proizvodnji a po objavljenom Javnom pozivu od Općine Maglaj, dostava podataka o otkupljenim količinama mlijeka te ostali akti koji su vezani za oblast poljoprivrede i vodoprivrede.

Po zahtjevima stranaka izdano je 57 potvrda, izdaju se u svrhu:

- prijava na Javne pozive,
- ostvarivanje poticaja u poljoprivrednoj proizvodnji,
- prodaje viška vlastitih poljoprivrednih proizvoda na pijaci,
- u svrhu uvoza poljoprivrednih mašina i priključaka, mehanizacije,
- za podizanje kredita kod mikrokreditnih organizacija za pospješivanje poljoprivredne proizvodnje,
- potvrde iz Registra pčelinjaka u svrhu obilježavanja pčelinjaka i selidbe pčelinjih društava na druga područja,
- liste korištenja na posjedima i liste stoke,
- P1 i Z1 obrazci za prijave na Javne pozive i poticaje nadležnog Federalnog i Kantonalnog ministarstva za poljoprivredu, šumarstvo i vodoprivredu.

U navedenom vremenskom periodu primane su stranke kojima su davani stručni savjeti iz oblasti poljoprivredne proizvodnje, upućivane su na određene radnje koje moraju izvršiti kako bi zadovoljili kriterije koji su potrebni za ostvarivanje federalnih i kantonalnih poticaja, a koji su propisani Pravilnikom, Programom i Uputstvom, koje je izdalo Federalno i Kantonalno ministarstvo za poljoprivredu, šumarstvo i vodoprivredu, kao i zahtjevi za općinski poticaj i za prijavu na Javne pozive.

Također zaprimani su zahtjevi sa ukupnom dokumentacijom koja je potrebna za ostvarivanje poticaja u svim segmentima poljoprivredne proizvodnje, te pregledani i sa popratnim aktom poslani nadležnim ministarstvima.

U navedenom periodu rješavano je po zahtjevu podnositelja zahtjeva za izdavanje vodnih akata:

- prethodna vodna saglasnost,
- vodna saglasnost, i
- vodna dozvola,

primjenjujući:

- Zakon o vodama („Službene novine Federacije BiH“, broj 70/06),
- Zakon o vodama Zeničko-dobojskog kantona („Službene novine Ze-do kantona“, broj 17/07) i
- Pravilnik o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15).

Važno je napomenuti da je oblast izdavanja vodoprivrednih akata izuzetno osjetljiv i kompleksan posao, i radi se o složenim upravnim postupcima. Od kada je inženjer agronomije/poljoprivrede 2018. godine napustio organ Općinu Maglaj, nemamo odgovarajuću osobu koja bi obavljala ove poslove.

Redovito je komunicirano sa resornim federalnim i kantonalnim ministarstvom za poljoprivredu, šumarstvo i vodoprivredu, kako pismenim tako i telefonskim putem, a vezano za primjenu zakonskih propisa i to:

- Zakona o poljoprivredi,
- Zakona o vodama,
- Zakona o poljoprivrednom zemljištu,
- kao i ostalih zakonskih i podzakonskih akata koji uređuju oblast poticaja u poljoprivrednoj proizvodnji,

a sve radi pravilnog provođenja istih.

Održavani su sastanci sa predstavnicima udruženja građana poljoprivrednih proizvođača i zemljoradničkih zadruga, sa ciljem njihovog uvezivanja i poslovne saradnje, kao i zajedničkog rješavanja problema u oblasti primarne poljoprivredne proizvodnje.

U izvještajnom perioda vršeno je:

- redovno primanje stranaka poljoprivrednih proizvođača,
- rad u stručnim i općinskim komisijama,
- tekući poslovi, kao i
- poslovi po nalogu rukovodioca Službe i Općinskog načelnika, i to razne odluke, odgovori na vijećnička pitanja, dopisi, terenski poslovi, organizacija prezentacija projekata u poljoprivredi.

### **Registar poljoprivrednih gazdinstava (RPG) i Registar klijenata (RK) i Registar pčelara**

Ukupan broj poljoprivrednih gazdinstava upisanih u Registar RPG i RK na području općine Maglaj na dan 15.08.2023. godine je 1.371 i u odnosu na 2022. godinu je manji broj obzirom da je od strane Federalnog ministva poljoprivrede izvršeno usklađivanje aktivnih i neaktivnih RPG i RK.

Broj predmeta za ažuriranje podaka u 2023. godini u Registru poljoprivrednih gazdinstava (RPG) je 343, u Registru pčelara 84 upisanih za 10 više nego u 2022. godini, broj ažuriranih predmeta u Registru pčelara je 46 te je izdano 55 potvrda o upisu u Registar koje se izdaju u svrhu:

- prijava na Javne pozive,
- prodaje viška vlastitih poljoprivrednih proizvoda na pijaci,
- uvoza poljoprivrednih mašina,
- podizanja kredita kod mikrokreditnih organizacija za pospješivanje poljoprivredne proizvodnje
- regulisanja poticaja u primarnoj poljoprivrednoj proizvodnji,
- obilježavanju pčelinjaka i
- selidbe pčelinjih društava na druga područja dok se podaci već unešenih obiteljskih poljoprivrednih gazdinstava odnosno klijenata trebaju redovito ažurirati najdalje do 31.03. svake godine, a svaka promjena na poljoprivrednom gazdinstvu se treba prijaviti najdalje 30 dana od dana promjene, tako da je rad na aplikaciji konstantan i redovit, te traje tokom cijele godine.

Unos podataka svih poljoprivrednih gazdinstava i dalje teče shodno podnesenim zahtjevima,

## Poticaji u primarnoj poljoprivrednoj proizvodnji od strane Općine Maglaj

Općina Maglaj je u prethodnom periodu izdvajala znatna sredstva u Budžetu/Proračunu koja su bila opredjeljena za razvoj poljoprivrede i uglavnom su bila utrošena za poticaj u primarnoj poljoprivrednoj proizvodnji.

Poticajna sredstva se prvenstveno usmjeravaju na poticaj poljoprivrednim gazdinstvima koja su u svom radu postizala značajne rezultate u cilju:

- stvaranja i proširenja obiteljskih gospodarstava i obrta,
- jačanja poljoprivrednih Zadruga i Udruženja čiji članovi doprinose cjelokupnom razvoju poljoprivrede i razvoju ruralnih područja općine, pokrivanje troškova organizovanog odlaska na sajam i razvoju ruralnog dijela općine Maglaj
- novčana pomoć JP „Veterinarska stanica“ doo Maglaj u svrhu zdravstvene zaštite životinja, itd.

Poticaji su se izdvajali planski u skladu sa „Programom poticaja razvoja poljoprivrede na području općine Maglaj“, koji svake godine usvaja Općinsko vijeće Maglaj.

Kako je na našoj općini jedan od najzastupljenijih, i za ljudsku ishranu esencijalnih sektora poljoprivrede stočarstvo i proizvodnja sirovog kravljeg mlijeka, tako su i sredstva davana za tu vrstu proizvodnje.

Za tu namjenu Odlukom Općinskog načelnika, a na temelju dostavljenih ovjerenih spiskova otkupa mlijeka, dostavljenih od strane registriranih otkupljivača, izdvojeno je individualnim poljoprivrednim proizvođačima po 0,10 KM za svaku litru predanog sirovog kravljeg mlijeka, a koji su predali mlijeko registriranom prerađivaču:

- Mliječnoj industriji „MI99“ d.o.o Gradačac, i
- Zeničkoj industriji mlijeka „ZIM“ dd Zenica.

### Proizvodnja sirovog kravljeg mlijeka

Proizvodnja sirovog kravljeg mlijeka (0,10 KM/litru proizvedenog sirovog kravljeg mlijeka) po kvartalima - obračunava se po dostavljenim tabelarnim prikazima od strane registrovanih otkupljivača „MI99“ d.o.o Gradačac i "ZIM" dd Zenica.

R.Br.	Proizvodnja sirovog kravljeg mlijeka	Ukupno litara	KM/litar	Iznos (u KM)
1.	I kvartal 2023.godine	241.959	0,10	24.195,90
2.	II kvartal 2023.godine	226.360	0,10	22.636,00
<b>UKUPNO:</b>		<b>468.319</b>	<b>0,10</b>	<b>46.831,90</b>

Poticaji za navedenu proizvodnju se isplaćuju kvartalno, a sve zbog obračunavanja zadnjeg kvartala proizvedenog mlijeka u tekućoj godini koji završava sa datumom 31. decembrom/prosincom tako da će se ukupna količina proizvedenog sirovog kravljeg mlijeka u 2023. godini znati poslije ovog perioda.

Dana 03.07.2023. godine Općinski načelnik objavio je 7 (sedam) javnih poziva za ostvarivanje novčane podrške na području općine Maglaj za slijedeće poljoprivredne proizvodnje:

### 1. Proizvodnja aronije i borovnice

Pravo na poticaj imali su poljoprivredni proizvođači koji su zasnovali proizvodnju na zasadima aronije i borovnice od 1 dunuma i više.

Visina poticaja iznosi 100,00 KM/dunum.

Ukupan broj podnesenih zahtjeva 11, pod površinom od 26,5 dunuma.

Poljoprivredni proizvođači fizička lica 11 zahtjeva	Iznos 100 KM/dunumu
Iznos sredstava za poticaj (26,5* 100,00 KM)	2.650,00 KM

### 2. Proizvodnja krastavaca kornišona

Pravo na poticaj imali su poljoprivredni proizvođači koji su zasnovali proizvodnju krastavaca kornišona na površini od 0.5 dunuma i više.

Visina poticaja za površinu od 0,5 – 1 dunuma se množila sa koeficijentom 1 (jedan), a za površine preko 1 dunuma zasadene površine se množe sa koeficijentom 1,25.

Iznos poticaja je 100,00 KM/dunum.

Ukupan broj podnesenih zahtjeva je 15, pod površinom od 14,5 dunuma

Ukupan broj kooperanata zasadena površina krastavca kornišona i ukupno proizvedena količina krastavca kornišona znat će se po završenoj sezoni proizvodnje ove kulture.

Površina do 1 dunuma - 15 zahtjeva / 14,5 dunuma	Iznos 100,00 KM/dunumu
Iznos sredstava za poticaj (11,5* 100,00)	1.150,00 KM
Poljoprivredni proizvođač-Obrt 3 zahtjeva/ 3 dunuma	Iznos 100 * koef. 1,2
Iznos sredstava za poticaj (3*100*1,2)	360,00 KM
<b>UKUPNO</b>	<b>1.510,00 KM</b>

### 3. Proizvodnja bundeve za koštice

Pravo na podršku u ovoj proizvodnji imali su poljoprivredni proizvođači koji su zasnovali poljoprivrednu proizvodnju na zasadima bundeve za koštice, od 1 dunuma i više.

Visina poticaja za navedenu proizvodnju je iznosila 100,00 KM/dunumu zasadene površine

Ukupan broj podnesenih zahtjeva je 6, pod površinom od 13,2 dunuma

Poljoprivredni proizvođači fizička lica	Iznos 100 KM/dunumu
Iznos sredstava za poticaj (8,2* 100,00 KM)	820,00 KM
Poljoprivredni proizvođač - Obrt 1 zahtjev/ 5 dunuma	Iznos 100 * koef. 1,2
Iznos sredstava za poticaj (5 * 100,00 * 1,2)	600,00 KM
<b>UKUPNO</b>	<b>1.420,00 KM</b>

#### 4. Uzgoj rasplodne stoke - ovce (potomstvo - jagnjad)

Pravo na poticaj imali su poljoprivredni proizvođači koji se bave uzgojom rasplodne stoke – ovce koji u vlastitom uzgoju imaju minimalno obilježanih 50 ovaca.

Visina poticaja iznosila je 3,00 KM/jagnje

Ukupan broj podnesenih zahtjeva 13, broj grla jagnjadi je 1.458.

<b>Poljoprivredni proizvođači fizička lica: 13 zahtjeva 1.458 grla</b>	<b>Iznos 3,00 KM/grlo</b>
Iznos sredstava za poticaj (1.110 * 3,00 KM)	3.330,00 KM
<b>Poljoprivredni proizvođač - Obrt 4 zahtjeva 348 grla</b>	<b>Iznos 3,00 * koef. 1,2</b>
Iznos sredstava za poticaj (348 * 3,00 * 1,2)	1.252,80 KM
<b>UKUPNO</b>	<b>4.582,80 KM</b>

#### 5. Proizvodnja kukuruza

Pravo na poticaj imali su poljoprivredni proizvođači koji su zasnovali proizvodnju kukuruza (merkantilni ili silažni) na vlastitom zemljištu i/ili zemljištu zakupljenom od strane drugih lica na području općine Maglaj, na minimalnoj površini od 1 ha (10 dunuma).

Podrška za navedenu proizvodnju iznosila je 20,00 KM/dunumu.

Za ovu vrstu poticaja su se prijavili poljoprivredni proizvođači koji se bave tovom junadi, svinja i brojlera, a koji istu dokazuju listom stoke iz Registra poljoprivrednih gazdinstava/gospodarstava i Registra klijenata.

Ukupan broj podnesenih zahtjeva je 34, na površini od 699,2 dunuma

Isplaćeno je 13.984,00 KM za ovu vrstu proizvodnje.

#### 6. Pčelarstvo (proizvodnja meda)

Pravo na poticaj su imali poljoprivredni proizvođači pčelari, koji su članovi registriranog Udruženja pčelara sa područja općine Maglaj, i koji imaju najmanje 10 (deset) pčelinjih zajednica/košnica na svom ili zakupljenom imanju.

Visina poticaja je iznosila 12,50 KM/košnici.

<b>Poljoprivredni proizvođači fizička lica: 57 zahtjeva 2.063 košnice</b>	<b>Iznos 12,50 KM/košnica</b>
Iznos sredstava za poticaj (2.063 * 12,50 KM)	25.787,50 KM
<b>Poljoprivredni proizvođač - Obrt 2 zahtjeva 105 košnica</b>	<b>Iznos 12,50 * koef. 1,2</b>
Iznos sredstava za poticaj (105 * 12,50 * 1,2)	1.575,00 KM
<b>UKUPNO</b>	<b>27.362,50 KM</b>



## 7. Plastenička i staklenička proizvodnja

Pravo na poticaje su imali poljoprivredni proizvođači koji su zasnovali bilo koji vid intezivne biljne proizvodnje (rasadničarstvo, povrtlarstvo, cvjećarstvo i dr.) u plastenicima i staklenicima na vlastitom zemljištu i/ili zemljištu zakupljenom od strane drugih lica, na području općine Maglaj.

Poticala se proizvodnja zasnovana u plastenicima i staklenicima na minimalnoj površini od 200 m<sup>2</sup>. Podrška za navedenu proizvodnju u iznosila je 1,00 KM/1m<sup>2</sup> plastenika.

<b>Poljoprivredni proizvođači fizička lica: 36 zahtjeva površina 10.620 m<sup>2</sup></b>	<b>Iznos 1,00 KM/m<sup>2</sup></b>
Iznos sredstava za poticaj (10.620* 1,00 KM)	<b>10.620,00 KM</b>
<b>Poljoprivredni proizvođač - Obrt 12 zahtjeva površina 10.247m<sup>2</sup></b>	Iznos 1,00 * koef. 1,2
Iznos sredstava za poticaj (10.247 * 1,00 * 1,2)	<b>12.296,40 KM</b>
<b>UKUPNO</b>	<b>22.916,40 KM</b>

Svih 7 (sedam) objavljenih javnih poziva su trajali do 04.08.2023. godine, nakon čega je izvršena kontrola prijave, izlazak na teren, i konačan zbir poljoprivredne proizvodnje po objavljenim pozivima, a sredstva po određenom koeficijentu 1,2 su isplaćena dana 17.08.2023. godine na račune poljoprivrednih proizvođača kod komercijalnih banaka.

Planirana sredstva iz Budžeta Općine Maglaj u 2023. godini za mjere poticaja u poljoprivredi iznose **195.000,00 KM**, a zaključno sa danom 18.08. 2023. godine isplaćeno je **121.257,60 KM** ili 62 % u odnosu na planirana sredstva u budžetu Općine.

Za ostale poticaje u „Programu poticaja za poljoprivrednu proizvodnju općine Maglaj za 2023. godinu“, za proizvodnje koje su još u toku i prema vrsti poticaja, potrebno je objaviti još 6 (šest) javnih poziva u narednom periodu, i to za:

- Proizvodnja jagodičastog voća;
- Proizvodnja gljiva šampinjona i bukovača;
- Proizvodnja konzumnih jaja;
- Podrška za nabavku plastenika;
- Podrška za nabavku mehanizacije i priključaka za poljoprivredu;
- Sufinansiranje projekata – program iz oblasti poljoprivrede, edukativna putovanja i organizirani posjeti sajmovima.

Osim gore navedenih mjera poticaja sa nivoa općine, tu su i poticaji sa kantonalnog i federalnog nivoa koji su usklađeni sa programima poticaja Ministarstva za poljoprivredu Ze-do kantona i Federalnog ministarstva za poljoprivredu, vodoprivredu i šumarstvo. Služba je bila u stalnoj komunikaciji sa resornim kantonalnim i federalnim ministarstvom za poljoprivredu, šumarstvo i vodoprivredu, kako pismenim tako i elektronskim i telefonskim putem, a vezano za primjenu propisa i to Zakona o poljoprivredi, Zakona o vodama, Zakona o poljoprivrednom zemljištu, kao i ostalih zakonskih i podzakonskih akata koji uređuju oblast poticaja u poljoprivrednoj proizvodnji, a sve radi pravilnog provođenja istih.

Po uputstvu o poticanju Ministarstva za poljoprivredu, šumarstvo i vodoprivredu Že-do kantona proizvođači u 2023. godini su se prijavljivali ili će se prijaviti do kraja tekuće godine na sljedeće Javne pozive:

1. Podrška za držanje koka nosilja
2. Podrška za registrovane farme muznih grla
3. Podrška za registrovanu ovčarsku i koziju proizvodnju
4. Podrška za poljop. proizv. u plastenicima i staklenicima
5. Podrška za proizvodnju maline i kupine
6. Podrška za proizvodnju krastavca/ kornišona
7. Podrška zasadima jagodičastog voća
8. Podrška za zasade koštičavog, jabučastog i jezgrastog voća
9. Podrška za proizvodnju gljiva
10. Podrška za nabavku poljoprivredne mehanizacije
11. Podrška za nabavku plastenika
12. Podrška projektima u poljoprivredi
13. Podrška projektima iz oblasti pčelarstva
14. Nerealizovani zahtjevi iz predhodnog perioda i pomoć

Po uputstvu o poticanju Ministarstva za poljoprivredu, šumarstvo i vodoprivredu Federacije BiH proizvođači u 2023. godini su se prijavljivali ili će se prijaviti do kraja tekuće godine na sljedeće Javne pozive:

1. Proizvodnja ječma, zobi i tritikala
2. Proizvodnja silažnog kukuruza, graška i grahorice
3. Proizvodnja svježeg kravljeg mlijeka I, II, III i IV kvartal
4. Proizvodnja govedeg mesa – tov junadi od teladi iz domaćeg uzgoja
5. Uzgoj goveda u sustavu krava-tele
6. Uzgoj rasplodne stoke – rasplodnih junica
7. Uzgoj rasplodne stoke (ovce)
8. Uzgoj brojlera
9. Košnice pčela, uzgoj pčelinjih zajednica
10. Investicije u poljoprivredne mašine, priključke i uređaje za biljnu i stočarsku proizvodnju
11. Izgradnja, proširenje i opremanje novih građevinskih objekata u svrhu poljoprivredne proizvodnje
12. Investicije u podizanju trajnih nasada
13. Sufinansiranje uvođenja i certificiranja standarda u poljoprivredi i prehrambenoj industriji
14. Uzgoj rasplodne stoke (ovce) – isplata po žalbama

## OSTALI PROJEKTI

### Federalno ministarstvo raseljenih osoba i izbjeglica (FMROI)

Dana 01.11.2021. godine Federalno ministarstvo raseljenih osoba i izbjeglica (FMROI) je raspisalo Javni poziv za podnošenje prijava za program pomoći održivog povratka „Podrška zapošljavanja/samozapošljavanja u poljoprivredi u periodu 2022 – 2023. godina“.

Predmet javnog poziva bio je izbor korisnika za dodjelu poljoprivrednih mašina, mehanizacije, plastenika i građevinskog materijala u cilju podrške zapošljavanja/samozapošljavanja povratnika u poljoprivredi na prostoru entiteta Federacije Bosne i Hercegovine za sljedeće namjene i programe:

- dodjela poljoprivrednih mašina, mehanizacije i priključaka;
- dodjela plastenika;
- dodjela građevinskog materijala za obnovu i izgradnju gospodarskih objekata u poljoprivrednoj djelatnosti.

Aplikanti koji su izabrani kao korisnici sredstava/donacije obavezni su sufinansirati vlastitim novčanim sredstvima 30%, 40% i 50% zavisno od ukupne zbirne vrijednosti predmetne namjene za korisnika.

U skladu sa procedurama za izbor korisnika, na prijedlog Komisije za razmatranje prijava po Javnom pozivu (imenovane rješenjem resornog ministra) i Komisije za razmatranje prigovora na Odluku o utvrđivanju rang liste potencijalnih korisnika, Odluka je bila objavljena na web stranici Federalnog ministarstva raseljenih osoba i izbjeglica tako da je dana 04.05.2023. godine Ugovor potpisalo 9 korisnika koji su učestvovali u sufinansiranju projekta po javnom pozivu kako slijedi u tabeli:

IME I PREZIME	ADRESA	VRSTA POMOĆI	VRIJEDNOST (u KM)	Iznos podrške/učesća (u KM)
Šahbaz Muriz	Misurići	Plastenik 200 m <sup>2</sup> metalne konstrukcije sa sistemom za navodnjavanje	7.000,00	FMROI 4.900,00 Korisnik 2.100,00
Mujezinović Bego	Novi Šeher	MTK 9 KW/12,2 KS Prikolica kardanska 1t Rotaciona kopačica	11.432,50	FMROI 8.002,75 Korisnik 3.429,75
Ramo Mašić	Poljice	Plastenik 200m <sup>2</sup>	6.400,00	FMROI 4.480,00 Korisnik 1.920,00

Herceg Mirsada	Novi Šeher	MTK 9 KW/12,2 KS Kardanska prikolica Rotaciona kopačica	11.432,50	FMROI 8.002,75 Korisnik 3.429,75
Kadušić Elvir	Domislica	Traktor sa kabinom 60-65 KS	49.979,00	FMROI 29.987,40 Korisnik 19.991,60
Jašić Refik	Kopice	Motokultivator 12,2 KS, Čeona kosa Vadilica krompira	12.286,50	FMROI 8.600,55 Korisnik 3.685,95
Ridžal Fahir	Donji Bradići	MTK 9KW/12,2 KS Prikolica kardanska Rotaciona kopačica	11.432,50	FMROI 8.002,75 Korisnik 3.429,75
Čamdžić Nermin	Tujnica	Motokultivator 12,2 KS, Kardanska prikolica	10.252,50	FMROI 7.176,75 Korisnik 3.075,75
Sičanica Stipo	Maglaj	Motokultivator 12,2 KS, Kardanska prikolica, Rotaciona kopačica i vadilica krompira	11.706,50	FMROI 8.194,55 Korisnik 3.511,95
<b>UKUPNO:</b>			<b>131.922,00</b>	<b>FMROI 69.964,75 Korisnik 61.957,50</b>

Obavljen je monitoring gore navedenih korisnika od strane predstavnika Federalnog ministarstva raseljenih osoba i izbjeglica gdje se ustanovilo činjenično stanje na terenu, da su svi korisnici na vrijeme uplatili svoje učešće i da su sve vrste pomoći isporučene kako je potpisano ugovorima.


## Federalni zavod za poljoprivredu Sarajevo (FZZP)

Predstavnici Federalnog zavoda za poljoprivredu Sarajevo (FZZP) su u toku 2023. godine u više navrata obilazili poljoprivredne proizvođače na području općine Maglaj i vršili poslove stručnog nadzora u oblasti kontrole kvaliteta poljoprivrednih proizvoda, uzročnika biljnih bolesti, kontrolu prisutstva karantenskih i ekonomsko štetnih organizama na proizvodima, sjemenu i sadnom materijalu u unutarnjem prometu i ujedno edukovali vlasnike iz oblasti primjene aktivnosti vezanih za zdravlje bilja.

Navedena informacija obuhvata vremenski period od 01.01.2023. do 15.08.2023. godine i shodno „Programu poticaja u poljoprivrednoj proizvodnji općine Maglaj za 2023. godinu“, realizovat će se sve preostale vrste poticaja do kraja tekuće 2023. godine.

Služba za privredu, finansije/financije  
i razvoj poduzetništva

Maglaj, 18.08.2023. godine



**PREDLAGAČ:**  
**OPĆINSKI NAČELNIK**

**Mirsad Mahmutagić**



